



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1719. usque ad annum 1720

Fleury, Claude

August. Vind. [u.a.], 1782

VD18 13322648

§. 33. Mediobarbus Legatus Apostolicus Imperatoris jussu in itinere interceptus.

[urn:nbn:de:hbz:466:1-67659](https://nbn-resolving.org/urn:nbn:de:hbz:466:1-67659)

Sæc. XVIII. „furas, variis suppliciis, & igne, ca
 A. C. 1720 „stigaturus esset, &c.,”

„Haud dubito, Legatum secum de
 ferre catalogum omnium Missionario-
 rum a S. Congregatione missorum, pro
 & nomen meum ibidem reperiri, ex
 quo me a summo Pontifice missum
 fuisse, evidenter patebit (*). Perletra
 hasce literas Mediobarbus Patriarcha
 adjuncta sua epistola per eundem Je-
 venem ad Patrem Ceru Cantonem
 transmisit.

§. XXXIII.

*Mediobarbus Legatus Apostolicus Im-
 peratoris jussu in itinere
 interceptus.*

*Du Halde
 l. c. p. 154.*

Nondum Imperator Legati Apostolici
 responsa circa Legationis suæ cau-
 sas

(*) Hanc epistolam ex relatione Historici
 Legationis Mediobarbi, quæ Patrem Viani
 qui Legato Apostolico a confessionibus erit
 Authorem præferebat, Joan. Laurent. Mosheim
 Germanæ suæ versionis Historiæ P. Du Halde
 feruit, nec ipse Pater Florianus Bahr Jesuita
 Missionarius Sinicus, qui omnes Mosheim
 falsitates in suis notitiis novissimis acri litivis
 depexuit, hanc epistolam ne verbulo quidem
 falsam, aut conficta vel calumniosam esse
 indicavit, stat ergo pro ejus veritate præ-
 sumptio vehemens.

fas receperat; Tagin enim seu Orator, Sæc. XVIII. A. C. 1720.
 qui ea perferenda in se susceperat, pri-
 mum die duodecima Decembris Pazon-
 Lino Peckinum discesserat: cum ergo
 Imperator sine hisce responsis Legato
 iter secum prosequendi facultatem fuisse
 datam suspicaretur, mox quatuor Man-
 darinos obviam misit, qui eidem Im-
 peratoris nomine denuntiarent, ne vel
 unico passu ultra progrediretur. Jam-
 jam Legatus die vigesima quinta ejus-
 dem Mensis *Teou li ho*, urbem trigesi-
 ma leuca Peckino disitam attigerat,
 cum hi quatuor Mandarini adventarent,
 & Imperatoris mandata eidem aperi-
 rent: Præmissa consueta salutatione Le-
 gatus Apostolicus sciscitabatur, an sua
 Majestas bene valeret, cui *Chao Cham*
 Mandarinus in responsis dedit, Impera-
 torem nolle, ut is Aulam accederet,
 nisi prius quibusdam quæstis satisfac-
 cisset, simul etiam eundem præcipere,
 ut in primo alloquio veste Europæis usi-
 tata indutus compareret, postea autem
 vel Sinensium vel Europæorum more
 incedere, eidem integrum esset. His ex-
 positis rursus eum, ut genuflexus Impe-
 ratoris mandata exciperet, jusserunt,
 ac demum exposuere, suam Majesta-
 tem primo non credidisse, quod ipse
 Pontificis Legatus esset, per Europæos
 autem de veritate sui characteris edo-

Sæc. XVIII
A. C. 1720
ctus, ipsum debito honore prosequi p-
ratus foret, Imperatorem quoque et
Cantone per *Zuntu* ejus quidem re-
sponfa ad interrogationes factas non
recepisse, in illis tamen nil aliud con-
tineri, nisi quod de Imperatoris inco-
lunitate inquisitum venerit, & pro be-
nificiis, quæ sua Majestas Europæis ex-
hibuisset, eidem grates rependeret, si
vero adhuc alia, quæ Imperatori de-
ferret, haberet, mox indicaret, ad
hæc Legatus sedens respondit, quod
plura alia exposuerit, sibi videri, ut
autem foret, nil certius esse, quam
quod a summo Pontifice illuc missus
esset eo fine, ut non modo de Impera-
toris salute certior fieret, gratoque
animo beneficia religioni ac Missionariis
præstita rependeret, sed etiam ut sum-
Majestatem rogaret, quatenus eosdem
ulteriore suo patrociniò dignari, sibi
met vero ipsi concedere vellet, ut tan-
quam omnium Missionariorum Superior
in Sinensi Imperio remanere permitte-
retur, & Sinensibus Christianis licitum
esset, circa Sinenses ritus summi Pon-
tificis decreta observare. His perceptis
præcipue *Ly Pin Chum* Mandarinus
quæsit, cur hæc Cantone moratus
non responderit, cui submisit reposit
Legatus, se de his non fuisse interro-
gatum: Reponente autem Mandarinò,
hæc

Sæc. XVIII.
A. C. 1729.

hæc petita Imperatori fore minus ac-
cepta, utpote irrevocabili ejus edicto
circa Sinenses ritus contraria, respon-
dit Mediobarbus, haud necessarium esse,
ut Imperator suum revocaret edictum,
sufficere, ut præteritorum memor reli-
gionem Christianam in sua puritate
conservari permetteret. Instabant vero
Mandarini, asserentes, *quid diceret Papa,*
si noster Imperator Romanos ritus corri-
gere vellet? mox respondit Legatus,
longe abesse a Pontifice, ut Sinenses
ritus reformet, Christianorum duntaxat
errores corrigit, *cur autem,* reponebant
Mandarini, *Pontifex contradicit illis, quæ*
alii Pontifices concesserunt? alii Pontifi-
ces, respondit Legatus, juxta diver-
sam rei explicationem ac relationem
factam, rebusque inter Christianos ad-
huc dubiis, diversa condiderunt de-
creta, nunc vero audita utraque parte,
adhibita omni diligentia, & rebus ad
Christianæ legis trutinam ponderatis
Pontifex aliter judicavit. Percepto
hoc responso Mandarini reposuere: *non*
Imperatoris sed proprio nostro nomine tan-
quam amici tui, tuisque & Christianorum
partibus addidisti rogamus te, ut memor sis
eorum, quæ Cardinali Tournonio, Maig-
roto & Patri Castorano acciderint, quanta
patiti fuerint, eoquod circa hosce ritus se
Imperatoris voluntati opposuissent: veremur,

Sæc. XVIII. ne eadem Tibi accidant, si eorum vestigia
A. C. 1720. *premas: Grates pio eorum affectu re-*
 pendens Legatus, hæc respondit, *non*
 ardentius desidero, quam Imperatoris
 gratiam, qua, ne me indignum re-
 dam, omnem impendam sollicitudinem
 Ergo, subjungere Mandarinis, tua
 titia paucis verbis scriptotenus complectens
 mox igitur Mediobarbus hæc scripsit
 Debeo humiliter supplicare nomine summi
 Pontificis Majestati suæ, ut permittat
 hoc suo vastissimo Imperio religionem Chri-
 stianam in sua puritate, permittendo, ut
 Christiani, qui sunt in hoc Imperio, libere
 observent Constitutionem Pontificiam, quæ
 incipit: Ex illa die, atque ut permittat
 mihi, exercere partes Superioris omnium
 Missionariorum, qui sunt in Sinit.

Accepta hac scheda Mandarinis, prius
 quam abirent, Cantonensibus Mandari-
 rinis, qui Legatum comitabantur, præ-
 ceperunt, ut eundem ad villam quæ-
 dam tertio lapide ab Urbe Chumy
 distitam, ubi Imperator agebat, de-
 cerent.

§. XXXIV.

Imperatoris alloquium Mediobarbo Le-
gato Apostolico denegatum.

Postquam Mediobarbus Patriarcha
 Legatus ad præfatam villam per-
 venerat

Vian l. c.
pag. 49.
Du Halde
l. c. p. 155.